

蔣興詩	盧應斗	朱元輔	成魁	彭偉
何佃	譚珣	徐天爵	段子美	
秦世官	戴居敬	王上許	鄒世初	
蔣自修	王桂枝	蔣宗徽	夏承瑞	
夏繼恭	吳中珩	廖舒鳳	陳鑑	
李時春	蔣日葵	夏九廢	鄒賢禎	
黃金鉉	張大顯	何文燾	何文照	
盧文典	周一烈	歐陽顯宇	鄧天珣	
李大柏	李國相			

湖南通志卷一百七十四

人物志十五

明十

澧州

張文明安鄉人洪武中由貢生授御史巡按浙江有善政

張公亮字仕衡慈利人父兌元至正中進士由當塗尹徵為國

史館編修遷長州路總管入明仍為編修公亮洪武中以秀才

辟澧陽訓導歷平江通江教諭所至有文名子毅博學有文辭

洪武中徵入京師命賦春鵠搏風詩稱旨授國子學錄遷監丞

戴本昇州志作字文淵澧州人洪武甲子由貢生授兵科給事

中出為廣西參議以政績著

石堅字介夫澧州人洪武乙卯鄉舉累官戶部員外郎四川參

議堅廉慎在儔人中言若不出諸口及遇所知論天下古今事

瞭然心目人莫能及

楊雄慈利人洪武中由貢生授山東道監察御史剛介不阿時

稱真御史

徐玉成字中庸澧州人洪武甲子鄉舉授義甯訓導移五河永

川教諭遷郢王府長史學行純篤兼通詩易三禮年九十餘卒

志

志

易英字以和安鄉人洪武中由明經薦授本州訓導擢工部主事轉郎中永樂初出為河南參議調浙江政尚寬簡持大體作新學校入為禮部左侍郎同保定侯孟瑛祀海神卒於杭州楚通志

金潤字伯輝安鄉人洪武乙丑進士入翰林改授浙江道御史巡按廣東復改禮部郎中敷陳得體時教官吳從權張桓入覲問民事俱謝不知太祖盛怒賴潤解救得免遠遷楚通志

張廷蘭字彥芳澧州人洪武乙丑進士授大理寺審刑司詳議遷御史常疏免本州魚課鄉人德之以勤敏稱明統志

龔敬字存禮澧州人洪武中由辟舉授給事中
祖繩下過急敬言國威已立宜為子孫留元氣貶戶部主事俄晉員外郎復上疏引周秦仁暴相形辭愈切直上大怒謫窮塞卒子良甫八歲上閔之賜葬楚通志

覃達石門人洪武中任荊州衛副千戶從征四川黃坪寇戰死事聞賜葬贈衡州衛指揮使楚通志

毛穎字尚卿澧州人洪武丙子鄉舉授完縣教諭建文時署宛平縣學成祖時為燕王見穎疏乞歸養嘉之大書贈雲樓三字以賜後歷武強華陽保定教諭屢司分校得人稱最湖廣通志

蕭忠慈利人洪武中由監生授陝西道監察御史劬強雪冤人稱神明擢山東布政使坐事謫高密典史永樂初超授江西僉

事調廣西布政使道卒明統志

趙廉字叔簡慈利人由正統辛酉鄉舉官刑部司獄歷員外郎出知郴州府有征苗功以老乞歸晉一階仍命有司歲給廩五十石優異之湖廣通志

熊應斗字健乾慈利人家富喜施精岐黃術洪武中任揚州經歷歸廣置宅舍俾就醫者居之供其藥餌全活甚眾州志

周階字伯升安鄉人通春秋博覽子史永樂初以經明行修徵辭以母老不就卜居於永甯邨扁其堂曰鄰德一統志

匡文貞石門人永樂初由歲貢舉人才第一授知羅江縣勤賑卹政績大著民為立生祠擢禮部郎中歷官至侍郎楚通志

皇甫賢字朝舉慈利人永樂初由鄉舉授交趾知縣時安南平始置郡縣同官者皆以為憂賢曰簡書無可委也遂單車之任宣上威德結以恩信島夷畏服縣志

劉宣字志公安鄉人永樂中由貢生知什邡縣值運軍儲於甘彭衛地險峻民多道斃宣募其地儲商有就近代完者倍償之且捐俸以勸軍民稱便楚通志

金悅字貴和安鄉人永樂丁酉鄉舉知營昌縣修學課士父艱起復再補武隆卒俱祀名宦楚通志

李俊澧州人永樂庚子鄉舉授袁州府經歷剛正不阿用薦擢監察御史楚通志

李通字彥明澧州人永樂庚子鄉舉授保甯訓導改成都舊例內外官年四十以下得才望補臺省通以學優行潔書上考而牒內齒數正與例符將以應選通曰吾年實過於牒縱得美官實滋愧即赴部自陳尚書嘉歎之遂以常格歷慶都上高教諭年七十餘擬赴京乞休或勸其移疾免赴通曰奈何無疾而欺卒赴焉以孫如圭貴贈右都御史舊志

李如圭字國寶宏治己未進士知安福縣以計殲華林劇盜擢御史巡按福建激揚有聲貪酷吏望風引去歷廣西兵備副使擢僉都御史延綏巡撫時有邊警如圭防杜周悉又疏陳荒政十餘則許便宜行事全活數十萬人入為大理卿尋致仕起工部侍郎管理河道調戶部侍郎總督倉場世宗詣顯陵命如圭同靖遠伯王瑾居守晉工部尚書改戶部致仕歸卒弟如璋字國器宏治壬子鄉舉知簡縣調遂平所至著威惠以疾致仕舊志

周秩字公邕安鄉人宣德己卯鄉舉授榮經訓導遷吉安教諭尚書楊鼎稱其才可安邊文堪督學薦於朝會中官索賂不遂循例遷南昌教授捐俸造南昌及本籍兩學祭器祀南昌名宦子曾字師賢成化乙酉學使按試畢人問是科誰當首解學使曰巴陵方昇安鄉周曾榜發昇果第一而曾居第六以所習經同也會後知灌陽縣招撫流亡數百家丈田清伍人莫敢欺調知崇甯恭順安詳政皆可久舊志 廣西通志

羅鉞字景昂安鄉人正統辛酉鄉舉授欽縣教諭捐俸建學修書院侍郎王偉疏稱其氣質剛方學具體用遷保定府教授統志

冉盈字文博石門人由歲貢知宜黃縣有惠政民立生祠祀之統志

周禧字永吉澧州人景泰庚午鄉舉知尤溪縣性嚴毅勤於民事時有指揮某周巡六縣勢橫甚至尤溪聞禧名獨無犯超擢延平知府舊志

彭懋字本修安鄉人景泰中由歲貢知珙縣縣民新附多梗化前令往往為所排擠懋深入險地周數月多方撫綏自是皆安土俗七年無擾轉敘州通判民有乘筏號泣送者舊志

張浩字養正澧州人景泰甲戌進士任工科給事中澧舊有運京白糧民苦之浩為奏免天順中隨征交趾有功尋卒統志

丁源澧州人少孤貧事祖母遠母楊盡孝天順中歲饑源樵山瀛澤與其妻采薇蕨以供膳世母蘇早寡無子源迎與同宅孝養如母焉湖廣通志

邵茂質慈利人事親至孝母性懼雷每聞雷以身翼之母歿每雷必張蓋於墓上雷止乃歸統志

楊春字善端安鄉人成化乙酉鄉舉知涿州修學勸士泮宮有枯桂為之復榮年四十即致仕

樊經字大經澧州人成化戊子鄉試第一己丑成進士授刑部主事出爲台州通判除虎患修荒政興學課士禁戢奸盜大府重其才每疑獄必委讞決秩滿六縣民羣上疏乞留舊志廖蘭字惟馨安鄉人成化甲午鄉舉知巴縣馭下嚴聽訟尤明決縣人作琴堂十詠美之祀名宦舊志劉頤字克正安鄉人十歲能文手錄諸史成化丁酉鄉舉歷梁山銅梁教諭遷濱州同知卒於官舊志褚文憲字邦傑慈利人成化中鄉舉歷官光祿寺少卿課最當遷以老乞歸時例非七十不許致仕文憲年六十餘以近臣無過特許之舊志曾概字待中安鄉人成化丁酉鄉舉授金堂訓導教學不倦人材多所成就陞國子助教出爲淮王府長史嘗陳三事於朝啟八事於藩皆嘉納焉舊志陸海慈利人成化中鄉舉授福州推官歷刑部郎中知興化府以廉惠稱舊志李克嗣字士修其先世四川內江人父吉安官華王府教授遂家澧州充嗣成化丁未進士選庶吉士改外累官至南京巡撫甯庶人反充嗣以安慶當賊衝屬都督楊銳死守用是王守仁得直搗南昌又以治河功晉工部尙書嘉靖初應詔陳八事轉兵部累疏乞歸篤守仁自代詔乘傳歸里卒贈太子太保諡康

和子榮字新甫嘉靖戊戌進士授中書舍人擢工科給事中以懇直出知臨江府廉得郡大豪尤氏不法事實諸理爲金幼孜傅瀚建黃閣元僚坊清其歿產以供祀事次子松以廕授光祿寺署正出知師宗州其地荒僻松至興學校新州治州人立生祠祀之調大理同知卒於官舊志丁紀永定衛人指揮貴子倜儻好義成化末川貴獠叛輸粟二千石助軍詔旌之舊志梁寶字士賢澧州人宏治己酉鄉舉知貴溪縣以忤劉瑾左遷縉雲教諭瑾誅起知建始縣舊志汪儉字崇本澧州人宏治壬子鄉舉授成都推官有豐甯二倉主者虧蝕鉅萬莫可究詰儉按簿清釐之以數有禦賊功陞知嘉定州鎮守宋太監怙勢驕橫儉抑之使不得逞中貴入蜀取佛經所過州縣皆被斥獨於儉望風斂避調梧州同知致仕家居益勵名節祀成都名宦舊志丁璿字國器慈利人宏治壬子鄉舉授河南通判歷知安蘭二州鞏昌府同知終汝王府長史爲政動法前哲而才足以濟之故所至有聲舊志余宗嗣字麓湖安鄉人宏治甲子鄉舉知永豐縣性方政簡調南昌兩縣民幾至互爭子國襄字亮之嘉靖中由恩貢知納溪縣調連江有政聲卒於官連江人祠祀之舊志

毛棠字宗召澧州人宏治乙丑進士知饒平縣以剛介擢御史時鄉人有為廣東道御史者與巨璫隙璫欲盡傾之以快忿因竝及棠璫敗詔復原官尋卒

皇甫國彥舊志皇甫作皇字哲卿慈利人性和易清節自甘正德中由歲貢授荆府長史獻賊犯荆州有守禦功進四品服及

闕賊陷荆州乃護王出城居衡州又隨至廣東王疏陳其忠超擢浙江嘉湖道未半載乞休家居不接見當事有古君子風

梅春石門人正德中由貢生知福建德化縣興學愛民縣人德之立石五華山紀其政又額署前二槐曰甘棠遺愛

周敘字子厚九谿衛人生有異質猿臂善射正德辛未進士官大理評事晉左寺丞勅獄關中有欽恤錄以諫止南巡廷杖謫

永嘉丞起韶州知府歷遷四川副使參政山西按察陝西布政等使召為南京右副都御史總理宣大軍務改大理寺卿戶部

侍郎提督太倉進工部尚書督理沙河大工坐事降侍郎尋乞歸家居二十餘年卒年八十敘之謫永嘉也張璉方為老諸生

敘奇其才可大用及璉貴引與同升而晚節能自勇退人尤重之明史夏良勝一統志

湯時來字應之澧州人正德癸酉鄉舉知江甯縣調真陽有介節卒於官惟圖書數篋

翬登字景輝九谿衛人正德甲戌進士知丹徒縣廉靜平易卒

於官同僚聘之妻子始得歸湖廣通志

高鵬字雲翼澧州人幼聘周氏女病癰及鵬登鄉舉周氏請辭昏鵬不可卒娶之舉正德辛未進士知南通州廉慎有為嘗請

豁揚州圻江糧尋調霸州以禁權璫橫斂誣逮詔獄臺省交章論救乃謫南州同知遷杭州通判尋卒鵬性孝父堂待之嚴一

日令跪廳事適州守見過不敢起必得父命乃起執賓主禮州守歎異之

龔天申字子德澧州人年十二為諸生嘉靖乙卯鄉舉潛心理學以文章德行重一時歷嚴兗二州同知俱有聲在兗時開承

濟新河以便漕運又築汶上城及太行隄二百餘里

子之安字伯恭府志作恭萬曆丙午鄉舉知德陽縣崇禎九年張獻忠寇蜀嬰城死守城破罵賊不屈遇害贈尚寶丞

弟之吉字鹿坡性孝友母歿羣居官舍時日方昃之吉終身遇夕陽當戶輒掩泣之安病癰親為吮之後殉節德陽徒步數千里收其骨歸葬

汪瑞字子輯澧州人嘉靖乙酉鄉舉知虞城縣疏治河忠遷知陝州志操愈勵年五十乞歸

江珏字雙玉澧州人嘉靖閒由貢生知江陰縣擢兗州知府歷貴州按察使四川布政使以文章德業重於時

畢士和字介卿安鄉人宗王守仁之學嘉靖辛丑順天鄉舉知

查看完整版

付费下载



【百万古籍库】

<https://www.fozhu920.com/list/>

【易】【医】【道】【武】【文】【奇】【画】【书】

1000000+ 高清古书籍

打包下载





【风水】风水命理资料合集_9500 本

阴宅阳宅、风水堪舆、八字命理、手相面相、符咒卦象、奇门遁甲、紫微斗数.....



【中医】中华传统医学资料大全_15000 本

针灸、推拿、正骨术、汉医、苗医、民间秘方偏方、药洒药方、祖传医术、珍本...



【道术】道家法术\茅山术\符咒术\气术_3000 套

修真秘籍、丹道、道家秘术、胎息功、内丹术、茅山法术、道家符咒、巫术、...



【武术】传统武术与现代搏击术_6200 册

少林、武当、太极拳、形意拳、八极拳、咏春拳、气功、散打、格斗、拳击、...



【集藏】经史子集库_13300 卷

【经史子集】楚辞、汉赋、诗集、词集、宝卷、正史、编年、别史、纪事本末、地理志...



【国画】传世名画 _ 6100 卷

唐、金、辽、宋、元、明、清 800 多位画家近 6000 多幅传世...



【县志】方志\地方县志\乡志\地理志_8100 册

府志、区志、乡志、地理志..... 此合集为全国范围地方县志\府志古籍影印电子版，...



【国学】中华古籍库—32 万册古籍书

32 万册《中华古籍库》【32 万册影印古籍 + 20 多亿字，带检索器和阅读工具】包括各地方志、日本内...

【更多】 >> <https://www.fozhu920.com/list/>